

PEKELILING PENTADBIRAN BIL. 15/2017

Semua Staf Akademik
Universiti Teknologi Malaysia

**PERMOHONAN JAWATAN
TIMBALAN NAIB CANSOLOR (HAL EHWAL MAHASISWA DAN ALUMNI)**

Dengan hormatnya dimaklumkan bahawa penyandang semasa jawatan Timbalan Naib Canselor (Hal Ehwal Mahasiswa dan Alumni) telah dilantik sebagai Ketua Pengarah, Jabatan Pendidikan Politeknik, Kementerian Pendidikan Tinggi. Sehubungan dengan itu, akan wujud kekosongan bagi jawatan tersebut.

2. Mengikut kaedah baru yang ditetapkan oleh pihak Kementerian Pengajian Tinggi, proses pemilihan akan dilaksanakan secara terbuka dan haruslah memaklumkan kekosongan jawatan bagi membolehkan semua staf akademik universiti yang berminat mengemukakan permohonan.

3. Sehubungan dengan itu, semua staf akademik boleh mengemukakan permohonan masing-masing secara bersurat untuk dipertimbangkan ke jawatan tersebut. **Kriteria Umum dan Khusus** pemilihan bagi jawatan-jawatan tersebut adalah seperti berikut :

Kriteria Umum:-

- i) Kecemerlangan Akademik**
Penyandang mestilah mempunyai kelayakan PhD, mendapat *command of respect* dari kalangan rakan sejawat, mempunyai rekod cemerlang dalam penyelidikan, penerbitan jurnal berwasit antarabangsa, inovasi dalam pengajaran dan cemerlang dalam khidmat profesional.
- ii) Pengiktirafan Antarabangsa**
Penyandang mestilah diiktiraf oleh *peers* antarabangsa sebagai pakar dalam bidangnya, mempunyai jaringan antarabangsa yang kukuh, pernah menerima pelbagai anugerah dan pengiktirafan dari organisasi terkemuka luar Negara.
- iii) Kebolehan Memimpin dan Mengurus**
Penyandang mestilah mempunyai *people skills* yang boleh meneraju transformasi, mempunyai gagasan, visi dan misi serta mampu menggerakkan komuniti kampus kearah budaya kecemerlangan akademik. Ditambah dengan kemahiran komunikasi dan *interpersonal* yang mantap. Pengalaman dan rekod cemerlang pimpinan akademik merupakan antara ciri utama dalam menentukan kebolehmampuan calon.
- iv) Reputasi**
Menjadi "*role model*" kepada semua peringkat staf, mempunyai pengalaman dan (*proven track record*) serta disanjung baik serta dihormati oleh masyarakat kampus dan luar.

- v) **Personaliti**
Penyandang mestilah seorang yang berwibawa, berkarisma, bersahsiah tinggi, *team player*, serta mempunyai motivasi dalaman untuk memacu kecemerlangan universiti, Calon juga mestilah memahami aspirasi Negara untuk membangunkan modal insan bermentaliti kelas pertama.
- vi) Penyandang mestilah telah menjalani Program Penilaian Bakat Kepimpinan Pengurusan Tertinggi oleh AKEPT.
- vii) Lain-lain kriteria yang difikirkan sesuai oleh universiti.

Kriteria Khusus:-

Timbalan Naib Canselor (Hal Ehwal Mahasiswa dan Alumni):-

- i) **Berkemampuan Menguruskan Urusan berkaitan Pembangunan dan Hal Ehwal Mahasiswa:** Penyandang perlu mempunyai pengalaman dalam menguruskan perkara-perkara yang berkaitan dengan pembangunan dan Hal Ehwal Mahasiswa sehingga memenuhi keperluan global. Ini adalah kerana penyandang bertanggungjawab menyelia aktiviti yang dianjurkan oleh persatuan pelajar, terutama Majlis Perwakilan Mahasiswa agar sebarang aktiviti yang dijalankan adalah selari dengan matlamat penubuhan universiti dan tidak bercanggah dengan dasar-dasar semasa kerajaan serta dapat memperkasakan kecemerlangan pelajar ke peringkat global.
- ii) **Aktif dalam Ko-kurikulum dan Berpengetahuan dalam Merekabentuk dan Melaksanakan ko-kurikulum Berkredit serta Program Pembangunan Mahasiswa secara Holistik:** Penyandang mestilah mahir dalam merekabentuk ko-kurikulum berkredit berteraskan Hasil Pembelajaran (LO) dan Kemahiran Insaniah (KI) serta aras taksonomi pembelajaran yang selaras dengan *attribute* efektif yang perlu dihasilkan melalui ko-kurikulum. Calon perlu berpengalaman dalam menterjemah ko-kurikulum berkredit kepada program memperkasakan mahasiswa serta berupaya memberi kesedaran, dorongan dan galakan kepada pelajar untuk melibatkan diri secara aktif dalam aktiviti ko-kurikulum dalam usaha melahirkan mahasiswa yang seimbang dari segi jasmani, emosi, rohani dan intelek.
- iii) **Penglibatan dalam Jawatankuasa yang berkaitan Hal Ehwal Mahasiswa:** Penyandang jawatan ini akan terlibat dalam Jawatankuasa Kebajikan Mahasiswa, Jawatankuasa Tatatertib Mahasiswa dan Jawatankuasa - jawatankuasa lain yang berkaitan dengan hal ehwal mahasiswa. Oleh yang demikian, penyandang mestilah seorang individu yang *service-oriented* dan sentiasa bersedia mendekati mahasiswa bagi menjaga kebajikan mereka tidak kira siang ataupun malam. Penyandang juga perlu mempunyai pengetahuan dalam bidang psikologi dan kaunseling/rundingcara sebagai asas untuk mendekati mahasiswa dan mengetahui permasalahan mereka.
- iv) **Berpengalaman dalam Menguruskan Kolej-kolej Kediaman, UTM Sports Excellence, Pusat Kesihatan dan Unit Kerjaya:** Penyandang mestilah mempunyai asas dalam pengurusan. Ini adalah kerana pengurusan kolej-kolej kediaman, UTM Sports Excellence, Pusat Kesihatan dan Unit Kerjaya di universiti merupakan tanggungjawab dan berada di bawah bidang kuasa TNC (HEMA). Penyandang mestilah mempunyai kemahiran dalam penyelesaian masalah bagi menjaga keharmonian dan kesejahteraan mahasiswa agar perkhidmatan yang disediakan ini dapat melahirkan dan mewujudkan suasana pembelajaran yang kondusif.

- v) **Mempunyai Jaringan Hubungan yang Luas Serta dihormati dari Kalangan Alumni:** Penyandang mestilah mempunyai jaringan hubungan yang luas serta dihormati dari kalangan alumni. Ini adalah kerana pewujudan alumni adalah penting sebagai salah satu teras kepada pembangunan dan kemajuan universiti.

4. Surat permohonan tersebut hendaklah disertakan dengan lampiran berikut:


- i) *Curriculum Vitae* yang lengkap dan kemas kini;
- ii) Anugerah dan hadiah yang berprestij di peringkat kebangsaan dan antarabangsa; dan
- iii) Sumbangan-sumbangan besar dan bermakna bagi pembangunan Fakulti dan Universiti.
- iv) Ringkasan mengenai perancangan KPI (*Key Performance Indicator*) sekiranya dilantik.

5. Semua permohonan untuk dipertimbangkan ke jawatan tersebut, hendaklah dimasukkan ke dalam sampul surat bertaraf – **SULIT** – dengan menulis jawatan yang dipohon di penjuru kanan sampul surat dan dihantar kepada Timbalan Pendaftar (Perjawatan), Bahagian Sumber Manusia, Pejabat Pendaftar UTM Johor Bahru selewat-lewatnya pada **22 Jun 2017**.

Sekian dimaklumkan, terima kasih.

“Berkhidmat Untuk Negara Kerana Allah ”

Yang benar,



DATO' WAN MOHD ZAWAWI BIN WAN ABD RAHMAN
Pendaftar

- s.k. -
- YBhg. Datuk Naib Canselor
 - YBhg. Dato' Timbalan Naib Canselor (Hal Ehwal Mahasiswa dan Alumni)
 - YBhg. Timbalan Naib Canselor (Penyelidikan dan Inovasi)
 - Ybhg. Timbalan Naib Canselor (Pembangunan)
 - YBhg. Timbalan Naib Canselor (Akademik dan Antarabangsa)
 - Pro - Naib Canselor (UTM Kuala Lumpur)
 - Ketua Pustakawan
 - Bendahari
 - Pegawai-Pegawai Kanan/ Dekan/ Pengarah